

夔州府志

上部卷玖

政績志

孟子曰仁言不如仁聲之入人深也善政不如善教之得民也善政民畏之善教民愛之善政得民財善教得民心夫善政與善教合之謂政績也志之紀政績猶史之有傳生者不傳也作政績志

夔州府

後漢

諸葛亮字孔明襄陽人按武侯爲漢帝輔相似不應列於夔郡然昭烈帝之入蜀也龐鳳雛旣死武侯帥師由

夔州府志

卷一十四

政績

一 上

水道畧白帝縱觀形勢知夔門爲全蜀咽喉特畫八陣圖於魚復浦沙磧上以禦不虞千古莫測其神妙嗣定蜀所使鎮郡者皆得人洎帝病於永安宮後主尙在成都武侯獨來受遺詔居此凡數月察郡民之艱於水也創竹筧引水之法以利民食至今賴之不時撫循三軍後人於其地修橋名撫軍橋又名其石曰諸葛鼓又名永安宮後山曰卧龍山噫數者皆甘棠之遺愛也終後主之世吳人不敢犯蜀夔人受福多矣然則舊志以武侯列夔郡政績之首也固宜武侯從祀

文廟又祀名宦祠

劉 琰舊志字威碩魯人先主在荊州辟爲從事以其宗姓有風流善談論甚親待之隨周旋先主定益州令琰爲固陵太守後主立封都鄉侯爲衛尉中軍帥後將軍遷車騎將軍然不預國政但領兵千餘隨丞相亮贊畫諷議而已後興魏延不合亮責讓之琰與亮牋致謝亮遣還成都官位則如故云

宗 預舊志字德豔南陽人隨張飛入蜀丞相亮以爲主簿遷右中郎將嘗守永安後亮卒吳慮魏或乘衰取

夔州府志

卷一十四

政績

二

上

蜀增巴邱守兵蜀聞之亦益永安之守預將命使吳權問預曰東之與西譬猶一家而增白帝之守何也預對曰東益巴邱之戍西增白帝之守皆事勢宜然不足問也權大笑敬待之後爲鎮東大將軍兗州刺史

陳 到三國志楊戲傳季漢輔臣贊贊趙子龍陳叔至曰征南厚重征西忠克統時選士猛將之烈陳壽註疏曰叔至名到汝南人自豫州隨先主名位常亞趙雲俱以忠勇稱建興初官至永安都督征西將軍封亭侯

祀名宦祠

繹騷責將焉往能盡力則貸爾一兵不可得也豪懼斬
叛者以獻夷人皆惕息

程師孟采史本傳字公闢吳人進士甲科提點夔路刑
獄瀘戎數犯渝州邊使者治所在萬州相去遠有警率
浹日乃至師孟奏徙於渝夔路無常平粟建請置倉適
凶歲賑民不足卽矯發他儲不俟報吏懼白不可師孟
曰必俟報餓者盡死矣竟發之

閻蒼舒舊志字惠夫紹興中王十朋榜進士第二名御
批答第二云直言無隱任夔州學教授嘗植杏花於泮宮

夔州府志

卷一十四

政績

三

上

歷遷中書舍人出知普州王十朋守夔題泮宮杏花詩
有云同年紫薇公昔游帝王家翱翔夫子堂栽花泮水
涯我來節中和數樹紅交加不見紫薇郎猶見紫薇花
王十朋采史本傳字龜齡温州樂清人秦檜死上親政
策士十朋以權爲對幾萬餘言上嘉其經學淹通議論
醇正遂擢爲第一歷吏部侍郎出知饒州移夔州布上
恩恤民隱士之賢者詣門以禮致之朔望會諸生講經
詢政民輸租俾自槩量訟至庭溫詞曉以義理所至人
繪而祠之去之日老稚攀畱涕泣越境以送思之如父

州刺史胡烈等救之抗退加陵江將軍監巴東軍事使持節領武陵太守泰始初入朝侍讌華林園詔問蜀大臣子弟後問先輩宜時叙用者憲薦蜀人常忌杜軫等皆西國之良器武帝併召而任之泰始六年卒進封西鄂侯謚曰烈子襲歷給事中陵江將軍統其父部曲至廣漢太守

吾彦晉書本傳字士則吳郡人有文武才幹初爲小將給吳大司馬陸抗抗奇其勇畧擢用焉稍遷建平太守時晉王濬將伐吳造船於蜀彦覺之請增兵爲備皓

夔州府志

卷一十四

政績

四

上

不從彦乃輒爲鐵鎖橫斷江路及晉師臨境緣江諸城皆望風降附或見攻而拔惟彦堅守大衆攻之不能剋乃退舍而禮之吳亡彦始歸降武帝以爲金城太守

唐彬晉書本傳字儒宗魯國人益州東接吳寇監軍位缺朝議用武陵太守楊宗及彬武帝以問散騎常侍文立立曰彬宗俱不可失然彬多財欲而宗好酒惟陛下裁之帝曰財欲可足酒者難改遂用彬尋又詔彬監巴東諸軍事加廣武將軍上征吳之策甚合帝意後與王濬共伐吳彬應機制勝吳平爲右將軍都督巴東諸

軍事徵拜翊軍校尉封上庸縣侯

郭瑗晉書郭璞傳河南聞喜人父瑗尚書都令史時尚書杜預有所增損瑗多駁正之以公方著稱終於建平太守

六朝

臧質南史本傳字含文東莞莒人徙給事中出爲建平太守甚得蠻楚心歷竟陵內史復爲巴東建平太守吏人便之

王濟宋書荆雍州蠻傳世祖大明中建平蠻向光侯

夔州府志

卷一十四

政績

五

上

寇暴峽川巴東太守王濟荆州刺史朱修之遣軍討之光侯走清江清江去巴東千餘里

孫謙梁書良吏本傳字長遜東莞莒人泰始初明帝擢爲明威將軍巴東建平二郡太守郡居三峽恒以威力鎮之謙將赴職敕募千人自隨謙曰蠻夷不賓蓋待之失節耳何煩兵役以爲國費固辭不受至郡布恩惠之化蠻獠懷之競餉金寶謙慰喻而一無所納及掠得生口皆放還家俸秩出吏民者悉原除之郡境翕然威信大著視事三年徵還爲撫軍中兵參軍謙歷二縣五

郡所在廉潔居身儉素牀施籬篠屏風冬則布被莞席
夏日無幃帳而夜卧未嘗有蚊蚋人多異焉卒年九十

二

王圖南齊書蠻傳宋泰始以來巴建蠻向宗頭反刺史
沈攸之斷其鹽米連討不尅太祖置巴州以威靜之永
明初向宗頭與黔陽蠻田豆渠等五千人爲寇巴東太
守王圖南遣府司馬劉僧壽等斬山開道攻其砦宗頭
夜燒砦退走

明惠照齊書高逸傳明僧紹傳平原鬲人兄子惠照建

夔州府志

卷一十四

政績

六

上

元元年爲巴州刺史綏懷蠻蠻上許爲益州按齊書高
帝紀建元二年二月置巴州至永明初省梁改信州非
北魏所置之巴州也

北魏

李遷哲周書本傳安康人魏恭帝初太祖令與賀若敦
南出徇地軍還加驍騎大將軍開府仍令與田宏同討
信州恭帝三年正月次并州時信州爲蠻酋向五子王
等所圍宏又遣遷哲赴援比至信州已陷五子王等聞
遷哲至狼狽遁走遷哲入據白帝賀若敦等復至遂共

追擊五子王等破之及田宏旋軍太祖令遷哲鎮白帝
信州先無倉儲軍糧匱乏遷哲乃收葛根造粉兼米以
給之遷哲亦自取供食時有異膳卽分賜兵士有疾患
者又親加醫藥以此軍中感之人思效命黔陽蠻田烏
度田都唐等每抄掠江中爲百姓患遷哲隨機出討殺
獲甚多由是諸蠻畏威各送糧餼又遣子弟入質者千
有餘家遷哲乃於白帝城外築城以處之并置四鎮以
靜峽路自此寇抄頗息軍糧贍給焉世宗初授都督信
臨等七州諸軍事信州刺史

夔州府志

卷一十四

政績

七

上

北周

陸騰舊志信州蠻冉令賢等據巴峽黨與連結詔騰
帥衆拔其八城進攻水邏城令賢走追斬之信州舊志
白帝城騰徙於八陣灘北以司馬裔爲信州刺史
賀若誼北史賀若敦傳敦子弼弼弟誼誼性剛果有幹
畧周閔帝受禪加開府歷原信二州總管隋書本傳字
道機雒陽人歷原信二州總管俱有能名

北齊

司馬裔舊志字遵印河內温人歷官都督巴州武平中

從陸騰討平信州蠻天保二年拜信州刺史兼都督諸軍事五年轉西寧都督裔推誠秉公人多稱之

隋

王長述隋書本傳京兆霸城人高祖爲丞相授信州總管部內夷獠猶有未賓長述討平之進位上大將軍王謙作亂遣使致書於長述因執其使上其書又陳取謙策上大悅前後賜黃金五百兩授行軍總管討謙以功進位柱國開皇初復獻平陳計修營戰艦爲上流之師上善其能頻加賞勞後數歲擊南寧道病卒

夔州府志

卷一十四

政績

八

上

韋世康隋書本傳京兆杜陵人父曼號逍遙公世康幼而沈敏有器度仕周歷沔峽二州刺史司州總管長史士民胥悅轉絳州刺史闔境清肅性恬素好古不以得喪干懷在州常慨然有止足之志與弟子書曰吾生因緒餘夙霑纓弁四紀於茲亟登袞命頻涖方岳志除三惑心慎四知以不貪而爲寶處脂膏而不潤如斯之事頗爲時悉祿豈須多防滿則退年不待暮有疾便辭况孃春秋已高温清宜奉在任數年有惠政擢禮部尙書未嘗以位望矜物聞人之善若已有之亦不顯人過咎

進爵上庸郡公轉吏部選用平允請托不行開皇七年拜襄州刺史坐事免未幾授安州總管尋遷信州總管十三年入朝復拜吏部尚書前後多所進拔朝廷稱爲廉平出拜荊州總管時天下唯置四大總管并揚益三州並親王臨統唯荊州委世康時論以爲美爲政簡靜百姓愛說合境無訟十七年卒於州年六十七謚曰文世康性孝友初以諸弟位並隆貴獨季弟世約宦途不達共推父時田宅盡以與之世多其義

唐

夔州府志

卷一十四

政績

九

上

李孝恭新唐書宗室本傳河間元王孝恭高祖已定京師詔拜山南道招慰大使徇巴蜀下三十餘州明年拜信州總管承制拜假當是時蕭銑據江陵孝恭數進策圖銑帝嘉納進王趙郡以信州爲夔州乃大造舟艦肄水戰會李靖使江南孝恭倚其謀遂圖江陵盡召巴蜀首領子弟收用之外示引擢而內實質也俄進荆湘道總管統水陸十二軍發夷陵破銑二鎮縱戰艦放江中銑救兵見船疑不進銑內外阻絕遂降貞觀初改封河間王

李靖新唐書本傳字藥師京兆三原人武德三年從討王世充以功授開府蕭銑據江陵詔靖安輯至峽州阻銑兵不得前帝謂逗畱詔都督許紹斬靖紹爲請而免開州蠻冉肇則寇夔州趙郡王孝恭戰未利靖率兵八百破其屯要險設伏斬肇則俘禽五千帝謂左右曰使功不如使過靖果然因手敕勞之靖遂陳圖銑十策有詔拜行軍總管兼攝孝恭行軍長史軍政一委焉武德四年八月大閱兵夔州時秋潦濤瀨漲惡銑以靖未能下不設備諸將亦請江平乃進靖曰兵機事以速爲

夔州府志

卷一十四

政績

十

上

神今士始集銑不及知若乘水傅壘是震霆不及塞耳倉卒召兵無以禦我此必禽也孝恭從之九月舟師進兵叩夷陵銑將文士宏以卒數萬屯清江靖謂勿與爭鋒孝恭不聽自往與戰大敗賊委舟散掠靖視其亂縱兵擊破之趨江陵薄城而營銑甚懼始徵兵於江南果不能至靖又破其將楊君茂鄭文秀孝恭軍繼進銑大懼檄召江南兵不及到明日降靖入其都號令靜嚴軍無私焉封衛國公諡景武

齊善行新唐書太宗紀貞觀十二年二月巫州獠反夔

州都督齊善行討平之

源乾曜舊志臨漳人神龍中爲夔州參軍修信州圖經言風俗甚備開元初歷官同平章事謹重自持明皇稱其清深靜密有彌綸之識云

南承嗣舊志范陽人霽雲子爲夔守有功

柏貞節舊通志大歷初授夔萬等州防禦使制稱其雅有器幹深於戎律蘊三畧以經世秉一心而事君杜甫寓夔貞節厚加優禮嘗分俸給之崔旰亂貞節率子弟起兵討旰故甫詩云柏公鎮夔門滯霧茲一掃按舊唐

夔州府志

卷一十四

政績

十一

上

書代宗紀永泰元年四月劔南節度使嚴武卒五月以郭英乂充劔南節度使十月英乂爲其兵馬使崔旰所殺邛州柏茂林瀘州楊子琳皆起兵討旰蜀中亂二年命同平章事杜鴻漸充劔南西川節度使二月邛州刺史柏茂林充邛南防禦使八月以旰爲西川節度使柏茂林爲邛南節度使從杜鴻漸請也十一月改大歷大歷二年六月杜鴻漸自蜀入朝三年四月崔旰來朝改名寧寧爲柏茂林楊子琳所攻旰入朝子琳乘虛襲據成都詔寧還成都杜鴻漸傳則云邛州刺史柏貞節蓋

一人也新書崔寧傳分茂林貞節爲二人未詳其故事
互見雜傳崔寧杜鴻漸下

齊 映舊志高陽人貞元初與劉滋李勉同相造議宰
相分判六曹映在諸相中頗稱敢言上寢不悅遂知夔
州

唐 次舊通志字文編北海人貞元中知開州簡易廉
平居民胥悅凡十二年轉知夔州愷悌紓息盡心民事
詳見開縣志

戴叔倫舊志字幼公丹徒人貞元中知雲安監歷遷容

夔州府志

卷一十四

政績

十二

上

管經畧使轉知夔州未幾卒權德輿誌其墓稱其以文
章政事推重於時云

盧 岳舊志字周翰范陽人貞元中爲夔州錄事參軍
性孝友行己貞諒居官勤密歷遷陝虢觀察使

劉禹錫新唐書本傳字夢得自言系出中山擢進士第
登博學宏詞科工文章王叔文得幸太子禹錫與之交
叔文敗斥朗州司馬久之召還出爲播州刺史裴度爲
言乃易連州又徙夔州禹錫嘗歎天下學校廢乃奏記
宰相曰言者謂天下少士而不知養材之道鬱堙不揚

非天不生材也是不耕而歎廩庾之無餘可乎貞觀時
學舍千二百區生徒三千餘外夷遣子弟入附者五國
今室廬圯廢生徒衰少學官不振病無貲以給也凡學
官春秋釋奠於先師斯止辟雍類宮非及天下今州縣
咸以春秋上丁有事孔子廟其禮不應古甚非孔子意
漢初羣臣起屠販故孝惠高厚開置原廟於郡國逮元
帝時韋元成遂罷之夫子孫尙不敢違禮饗其祖况後
學師先聖道而欲違之傳曰祭不欲數又曰祭如在祭
神如神在與其煩於薦饗孰若行其教今教頽靡而以

夔州府志

卷一十四

政績

十三

上

非禮之祀媚之儒者所宜疾竊觀歷代無有是事武德
初詔國學立周公孔子廟四時祭貞觀中詔修孔子廟
兗州許敬宗等奏天下州縣置三獻官其它如立社元
宗與儒臣議罷牲牢薦酒脯時王孫林甫爲宰相不涉
學使御史中史王敬從以明衣牲牢著爲令遂無有非
之者今夔四縣歲釋奠費十六萬舉天下州縣歲凡費
四千萬適資三獻官飾衣裳飴妻子於學無補也請下
禮官博士議罷天下州縣牲牢衣幣春秋祭如開元時
籍其資半畀所隸州使增學校舉半歸太學猶不下萬

計可以營學室具器用豐饗食增掌故以備使令儒官各加稍食州縣進士皆立程督則貞觀之風粲然可復當時不用其言禹錫素善詩晚節尤精與白居易酬復頗多居易嘗推爲詩豪言其詩在處應有神物護持會昌時加檢校禮部尙書卒

宋

李繼昌宋史李崇矩傳潞州上黨人子繼昌字世長建隆三年以父蔭補西頭供奉官至道二年蜀賊平餘黨頗嘯聚拜西京作坊使峽路二十五州軍捉賊招安都

夔州府志

卷一十四

政績

十四

上

巡檢使旋改兵馬鈐轄賊酋喻雷燒者久爲民患繼昌掩殺之咸平三年王均亂蜀與雷有終上官正石普同受詔進討繼昌性謹厚爲治尙寬所至民懷之任峽路時與上官正聯職正殘忍好殺有縣胥護芻糧地遠後期正令斬之繼昌徐爲解貸焉

馬亮舊志雍熙中知夔州善藻鑑時呂蒙亨爲州職官子夷簡在焉亮一見卽妻以女妻怒曰君嘗以此女爲國夫人何爲與選人子亮笑曰此所以爲國夫人也後夷簡果拜相亮遷知荊州府咸平三年王均爲亂以

亮爲西川轉運副使賊平主將邀功誅殺不已亮全活千餘人宋史有傳

李防〔一統志〕內黃人爲陝路轉運副使先是沿江水遞歲役民丁甚衆頗廢農作防悉以城卒代之

白繼斌〔宋史〕太宗本紀淳化五年爲陝路都大巡檢會賊攻夔州與巡檢使大敗其衆於西津口

鮮守永〔宋史〕太宗本紀淳化五年八月李順賊黨攻夔州巡檢使鮮守永及都太巡檢白繼斌大敗其衆於西津口斬首三萬級獲舟千餘艘

夔州府志

卷一十四

政績

十五

上

慕容德琛〔宋史〕慕容延釗傳太原人弟延卿延鄉子德琛以延釗蔭歷官知夔州李順之亂賊酋張餘領衆十餘萬舟千艘來寇與順戰龍山斬首千餘級又與白繼斌擊賊斬二萬餘悉焚其舟賊剽開州圍雲安德琛往援之又斬百餘級累詔褒諭咸平二年徙峽路鈐轄未至復知夔州

袁逢吉〔宋史〕本傳淳化中知夔州會遣使川陝採訪條上有治迹者七人逢吉預焉賜詔褒諭

薛顏〔宋史〕本傳河中萬泉人初以太子左贊善知雲

安軍後丁謂招撫溪蠻畱五年詔謂自舉代謂薦顏爲
峽路轉運使始孟氏據蜀徙夔州於東山而民不便顏
爲復其故城

盛 京續資治通鑑天聖三年八月戊午夔州路提點
刑獄盛京言忠州鹽井歲增課奉節巫山縣田戶逃絕
里胥代納戶稅萬州戶納穀稅錢皆爲民害詔悉除之
彭 乘舊志字利建華陽人舉進士任華陽判官性至
孝父卒廬墓甘露降其樹人稱孝感寶元中爲夔州路
轉運使會土賊田忠霸誘下溪蠻將內寇乘時按郡至

夔州府志

卷一十四

政績

十六

上

境大集邊吏勒兵守禦賊遁去其黨斬忠霸以降召修
起居注擢知制誥累遷翰林學士

何 郟舊志字聖從成都人景祐進士寶元初任夔州
府判官有治聲後轉殿中侍御史面陳夏竦奸狀仁宗
諭曰古有碎首諫者卿能之乎對曰君不納諫則臣碎
首今陛下納諫如流臣何敢掠美累官龍圖閣直學士
王 端一統志仁宗時知雲安軍仁宗頒慶厯善救方
端請官爲給錢和藥於民遂行於天下

陳安石采史陳貫傳河陽人子安石字子堅以蔭補鎖

廳及第嘉祐中爲夔峽轉運判官民蓄蠱毒殺人捕誅其魁并得良藥圖由是遇毒者得不死

孔嗣宗舊通志嘉祐中署大寧監事後授夔州路轉運司判官

馬仲甫采史本傳字子山廬江人亮之子也舉進士以度支判官出爲夔州路轉運使歲饑盜粟者當論死仲甫請罪減一等詔須奏裁復言饑羸拘囚比得報死矣請決而後奏

張 詵采史本傳字樞言建州蒲城人第進士擢夔路

夔州府志

卷一十四

政績

十七

上

轉運判官錄辟士之功加直集賢院改陝西轉運副使蒲宗孟采史本傳字傳正閬州新井人第進士調夔州觀察推官治平中水災地震宗孟上書熙寧元年改著作佐郎試學士院以爲館閣校勘時三司新置提舉帳司官祿豐地要帝命與宗孟命察訪荆湖兩路奏罷辰沅役錢及湖南丁賦遠人賴之四川通志周惇頤少爲合州主簿嘗詣南部謁尙書左丞蒲宗孟宗孟與語移日嘆曰天下有此人耶顧予所爲內省尙疚對此乃如青天白日矣聞其未娶遂以妹歸之按四川通志未載

蒲宗孟而有丁謂以宗孟治蜀尙嚴故也夫治蜀尙嚴自武侯已然不可以是訾蒲公况其爲治卓有可紀也至丁謂之妨賢病國雖在夔有一節之長亦不足錄盧士宏采史本傳文彥博包拯以廉能薦由三司開折司擢夔州轉運使

朱壽隆采史本傳以度支判官爲夔路轉運使巴峽地隘民困於役免不應法者千五百餘人

程之元舊志字德儒眉山人元祐中任夔州路轉運使有政績與弟之邵俱以才名世

夔州府志

卷一十四

政績

十八

上

程之邵舊志爲夔州路轉運判官大寧鹽課太甚民苦之之邵發所儲以通商賈關市大悅

王宗望采史本傳字礪叟光州固始人以蔭累擢夔州路轉運副使哲宗卽位行赦賞軍萬州彌旬不給庖卒朱明因衆怒白晝入府宅傷守臣左右驚散他兵藉謀兆亂宗望聞變自夔疾驅至先命給賞然後斬明以徇且竄視守傷而不救者乃自劾朝廷嘉之

史方采史本傳字正臣開封人以西頭供奉徙夔州都巡檢使時富順州蠻田彥晏寇施州焚暗利砦方領

兵直抵富順蕩其巢穴窮追至七女柵降之遷內殿崇班

宇文韋舊志雙流人建炎中以秘閣修撰知夔州實心愛民盡力革弊政聲大著其父昌齡崇寧初爲戶部侍郎奏省陝西糴價五百萬韋所設施不愧廷訓云

韓廣叔舊通志紹興中任夔州有治聲太史黃庭堅曰惟勤能辦公家惟清能律貪吏嚴而信則吏不病民簡而敏則民多在野廣叔有焉

劉昉一統志朝陽人紹興中守夔州政先體要興學

夔州府志

卷一十四

政績

十九

校以造士勸農桑以厚民每出郊督耕又修諸葛亮八陣圖磧杜甫東屯故居

何逢原舊志字希深温州人中進士爲中書舍人以論事忤秦檜出判處州遷知夔州以慈愛爲心治不擾民有古循吏風王十朋得其所著論語解傳之夔學

虞允文采史本傳字彬甫隆州仁壽人紹興進士由中書舍人累遷禮部郎官借工部尙書金兵取兩淮朝命允文犒師采石時前帥王權已去後帥李顯忠未來允文代督兵將大敗金人於采石又扼金主亮於瓜州亮

爲其下所殺金人喪氣允文奏收兩淮三策不報明年
詔允文充四川宣慰使允文至蜀與大將吳璘議經畧
中原璘進取鳳翔復鞏州金治兵爭陝西新復州郡蜀
士欲棄之允文持不可孝宗受禪朝臣謂官軍進討東
不可過寶雞北不可過德順官軍退守蜀口允文爭之
不得再上疏大畧言恢復莫先於陝西陝西五路新復
州縣又係於德順之存亡一旦棄之則窺蜀之路愈多
西和階成利害至重前後凡十五疏不能回也上將召
允文問陝西事執政忌其來以顯謨閣直學士知夔州

夔州府志

卷一十四

政績

二十一

上

尋又命奏事隆興元年入對史浩既素主棄地及拜相
亟行之允文入對言今日有八可戰上問及棄地允文
以笏畫地陳其利害上曰此史浩誤朕以敷文閣待制
知太平州尋除兵部尙書後拜右僕射同中書門下平
章事兼樞密使後又授少保武安軍節度使四川宣撫
使進封雍國公

周執羔宋史本傳信州弋陽人以吏部侍郎知夔州兼
夔路安撫使夔郡地接蠻獠易以生事或告溱播夷叛
其豪帥請遣兵致討執羔謂曰朝廷用爾爲長今一方

鮑 陋 舊志鎮白帝城爲譙道福所圍城中無水鑿石開渠以汲道福不悟謂陋渴欲降之陋令人於江側得生魚遺道福乃解圍去民賴保障今疏鑿之跡尙存

羅 憲晉書本傳字令則襄陽人性方亮嚴整待士無倦輕財好施不營產業仕蜀爲太子舍人宣信校尉再使於吳吳人稱焉時黃皓預政衆多附之憲獨介然皓恚之左遷巴東太守時大將軍闓宇都督巴東拜憲領軍爲宇副貳魏之伐蜀召宇西還憲守永安城及成都

夔州府志

卷一十四

政績

三

上

敗城中擾動邊江長史皆棄城走憲斬亂者一人百姓乃安知劉禪降乃率所統臨於都亭三日吳聞蜀敗遣將軍盛憲西上外託救援內欲襲憲憲曰本朝傾覆吳爲脣齒不恤我難而邀其利吾寧當爲降虜乎乃歸順晉於是膳甲完聚厲以節義士皆用命及鍾會鄧艾死百城無主吳又使步協西征憲大破其軍孫休怒又遣陸抗助協憲拒守經年救援不至城中疾疫大半或勸南出梓柯北奔上庸可以保全憲曰夫爲人主百姓所仰旣不能存急而棄之君子不爲也畢命於此矣會荆

母以龍圖閣學士致仕諡忠文十朋事親孝終喪不處
內友愛二弟郊恩先奏其名歿而二子猶布衣書室廩
曰不欺每以諸葛亮顏真卿寇準范仲淹韓琦唐介自
比朱熹張栻雅敬之

張 震舊志字子發廣漢人以敷文閣待制知夔州爲
政以利民澤物爲先疏言馬綱利害又修補大晟樂及
忠武侯祠皆自爲記

陸 游采史本傳字務觀越州山陰人年十二能詩文
蔭補登仕郎孝宗初卽位遷樞密院編修官召見上曰

夔州府志

卷一十四

政績

一一二

上

游力學有聞言論剴切遂賜進士出身通判夔州王炎
宣撫川陝辟爲幹辦公事游爲爰陳進取之策以爲經
畧中原必自長安始取長安必自隴右始當積粟練兵
有釁則攻無則守吳璘子挺代掌兵頗驕恣屢以過殺
人爰莫誰何游請以玠子拱代挺爰曰拱怯而寡謀遇
敵必敗游曰使挺遇敵安保其不敗就令有功彌不可
駕馭及挺子曦叛游言始驗范成大帥蜀游爲參議官
以文字交不拘禮法人譏其頽放因自號放翁

蔣 蕡采史食貨志蕡爲夔州路轉運使初西方用兵

詔入芻粟並邊俟有備而止芻粟虛估高價鹽直賤商賈利之西方無事猶入中如故蕢以爲入中十餘年虛費夔鹽計直二十餘萬緡今陝西用池鹽之利軍儲有備請如初詔許之

林 栗采史本傳字黃中福州福清人登紹興十二年進士第歷除夔路提點刑獄改知夔州加直敷文閣夔屬郡曰施州其羈縻郡曰思州施民譚汝翼者與知思州田汝弼交惡會汝弼卒汝翼帥兵二千人伐其喪汝弼之子祖周深入報復兵交於二州之境施黔大震汝

夔州府志

卷一十四

政績

一三三

上

翼復繕甲兵料丁壯以重幣借兵諸洞而乞師於帥府栗曰汝翼實召亂者移檄罷兵乃選屬吏往攝兵職以漸收汝翼之權命兵馬鈐轄按閱諸州密檄至施就攝州事汝翼不知覺已乃皇遽遁入成都事聞孝宗親札賜栗及成都制置使陳峴曰田氏猶是羈縻州郡譚氏乃夔路豪族又旦首爲釁端帥闔不能彈壓縱其至此如尙不悛未免加兵除其元惡時汝翼成都聞之逃歸調集家丁及役入砦義軍列陳於沱河橋與官軍戰潰汝翼遁去俘其徒四十有三人獲甲鎧器仗三萬一千

栗取其巨惡者九人誅之田祖周由是懼與其母冉氏
謀獻黔江田業記錢九十萬緡以贖罪蠻徼遂安
查〔龔舊通志〕字元章隆興間爲御史與王十朋馮方
李浩胡憲相繼言事時號五賢乾道中出爲夔州路運
判時十朋爲府帥相得甚驩多有唱酬後轉成都運使
李浩采史本傳字德遠臨川人紹興十二年擢進士
第乾道九年提舉太平興國宮明年夔路闕帥命浩以
秘閣修撰寵其行夔有羈縻州曰思州世襲爲守田氏
與其猶子不協將起兵相攻浩草檄遣官爲勸解二人

夔州府志

卷一十四

政績

二四

上

感悟歃血盟盡釋前憾邊得以寧

曹穎叔采史本傳字力之亳州譙人進士及第歷通判
儀州韓琦文彥博薦其才徙夔州轉運判官夔峽尙淫
祠人有疾不事醫而專事神穎叔悉禁絕之乃教以醫
藥後爲陝西都轉運使兩川和買絹給陝西兵而蜀苦
於煩斂穎叔爲歲出本路緡錢五十萬以易軍食之餘
者兩川之民始無擾焉

張稅舊志字仲山廣漢人紹興二年進士歷知夔州
秩滿改陝州歷除夔州提點刑獄爲政本於忠孝愛民

不爲赫赫之名夔三面阻澗舊自北山引水入城承以木溜稅至始爲陶易之甃三井以瀦之建宇覆之題其額曰惠民池民賴其利

何 異采史本傳字同叔撫州崇仁人紹興二十四年進士擢監察御史徙知夔州兼本路安撫異以夔民土狹食少同轉運司糴米椿積立循環通濟倉勺祠以寶謨閣待制提舉太平興國宮

吳景偲舊志巴陵人乾道中任夔州參軍勤密不懈嘗攝萬州有聲王梅溪贈詩有云爲郎堪嘆馮唐老治郡

夔州府志

卷一十四

政績

二五

上

聊施黃霸長

張 椿舊志字大年綿竹人乾道中爲夔路轉運司主管文字時議以舟運蜀馬椿力辯不可夔帥王十朋素以剛正自持每多椿曰使爲蜀者人人如張君寧患過舉耶以台檄知大寧監遠人安之又攝郡秭歸王公送之詩曰女嬃歸處郡如何地狹民貧事不多把酒送行無別語要先撫字後催科官至成都府通判

趙不怠采史宗室本傳字仁仲嗣濮王宗暉曾孫也初補保義郎紹興二十七年登第歷知開州開在巴東俗

鄙陋不怠爲興學俾民知孝義郡有鹽井舊長吏必遣所親監之私其利不怠罷遣鹽利倍入郡計用饒以羨代民輸春秋兩稅及天中節銀絹在開二年民絕鬪爭夜戶不閉諸司交薦以比古循吏轉夔州轉運判官開人遮城門不得行至夔民病上供銀時部使以親攝大寧鹽場專其利不怠斥去而鹽獲羨餘乃出錢市羨鹽數十萬觔易米得三萬餘斛運抵湖北市銀以歸代諸郡納上供銀省緡餘十五萬歷成都轉運判官張棡死爲請諡又請用朱熹按仁仲爲夔路運判時曾作宋中

夔州府志

卷一十四

政績

二一六

上

興聖德頌刻於峽門石壁蓋美高宗之禪位孝宗也今石刻尙存

柳應弼舊志淳熙中任夔州府教授廉以律己勤於造士作泮宮達泉銘其學問淵邃不愧師儒云

李 皇舊志字季允丹稜人熹之子與兄壁俱有才名舉進士爲館職文譽赫然慶元中知夔州愛民誨士不愧其家風後遷宣撫使官至禮部尙書資政殿大學士致政卒諡文肅著有捍關銘

劉光祖舊志字德修簡州人登進士第廷對直言歷侍

御史疏留朱熹爲韓侂胄等所擠除江西提刑又改夔州論人主有六易天命易恃天位易樂無事易安意欲易奢政令易怠歲時易玩又有六難君子難進小人難退苦言難入巧佞難遠是非難明取舍難決闇主之所易明主之所難明主之所易闇主之所難終顯謨閣直學士謚文節

周 湛采史本傳字文淵鄧州穰人進士甲科爲開州推官後爲夔州路轉運使雲安鹽井歲賦民薪茅至破產責不已湛爲蠲鹽課而省輸薪茅

夔州府志

卷一十四

政績

二七

上

趙希館采史本傳字君錫登慶元二年進士調主管夔州路轉運司帳司疏大寧鹽井利病使者上諸朝民便之

張 方舊志字義立資陽人慶元進士歷知夔州兼提點刑獄上疏條急務六事又陳大本大綱大勢大務其言悚直爲人廉明剛介見義必勇遷四川制置使

范 蓀一統志開禧中爲夔路轉運判官疏言施黔等州地曠人稀占田多者須人耕墾富豪誘客戶舉室遷去乞將皇祐官莊客戶逃移之法校定凡爲客戶者許

役其身毋及其家屬今後凡理訴官莊客戶並用皇祐舊法從之

費士幾舊志字達可廣都人蜀費詩之後與弟士寅同登第嘉定中知夔州仁愛下民勤誨士類又編輯文獻爲固陵集行於世

丁 黼舊通志石埭人紹定中眞德秀薦於朝授夔路安撫上急務十事力修備禦爲政寬大崔菊坡與之友嘉其操尙寄詩有同志晨星少孤愁暮雨多之句

孟 珙南宋書本傳字璞玉隨州棗陽人嘉熙四年拜

夔州府志

卷一十四

政績

二八

上

四川宣撫使兼知夔州釐蜀政之弊曰不擇險要立砦柵則難責兵以衛民不集流離安耕種則難責民以養兵乃立賞罰以課殿最俾諸司奉行之時四川制使陳隆之與副使彭大雅不協珙曰國事如此合志并謀猶思弗克而兩司勇於私鬪豈不愧廉藺之風馳書責之二人大慙淳祐三年元兵至三川珙下令主兵官不許失棄寸土開州梁棟乏糧請還司珙曰是棄城也棟至夔州斬之又奏襄蜀蕩析士無所歸蜀士聚於公安襄士聚於郢渚作公安南陽兩書院以没入田廬隸之使

有所教養請帝題其榜賜焉淳祐六年卒累贈太師封吉國公諡忠襄

王勝采史度宗本紀咸淳元年四月夔路都統王勝以李市沙平之戰獲賞轉官

張起巖采史度宗本紀德祐元年正月夔路安撫張起巖與其將戈德攻開州復取之

董鉞孫珪采史黔涪施高徼外諸蠻傅熊本經制涪井事蠻酋田現等內附夔路轉運判官董鉞副使孫珪皆以招納功被賞施黔比近蠻子弟精悍用水弩藥箭戰

夔州府志

卷一十四

政績

二一九

上

鬪趨捷朝廷團結爲忠義勝軍瀘州涪井石泉蠻叛皆獲其用

明

盛南金舊志洪武初守夔州廉介有爲政先學校

嚴觀民舊志字竣德金華人永樂中進士守夔州修飭政事洞晰民隱嘗督建營有大木沉水底觀民臨江祭告木浮水上流數里

季亨舊志天順中守夔州恩威並著修舉廢墜政治

一新

王謙江南通志字益夫武進人官中書舍人因災異奏疏剴切景泰初以太常卿出守夔州治行爲蜀最夔人畫像祀之

胡軫舊通志宣德中知夔州府獄有辜者三人服上刑軫辨其非釋之嘗劾罷幕官之貪墨者一時僚采爲之肅然

高鑑舊志號鐵溪信陽人成化進士知夔州府政務大體不屑屑簿書尤工於詩何大復稱其詞翰風流爲士人宗著鐵溪集

夔州府志

卷一十四

政績

三十一

上

汪奎舊志成化間判府事實心實政民甚德之

楊奇舊志字季夫壺關進士宏治中任夔州府有守有爲百廢具舉銳意學校遇生徒有禮後陞去士民思公德澤作去思堂像而祀之

呂晟舊志永豐進士成化中以南京禮部郎中任夔州知府慈祥有爲民多遺愛嘗修飭學校又築望華臺以表古蹟其政多持大體云

朱仲茂通山縣志字遜成號盛松湖廣通山縣人性敏多藝剛直不阿初任鐵爐關巡檢捍禦土酋有功臺司

王陽明舉薦補授浙江通判隨陞夔州府知府有循聲
吳潛舊志字顯之臨川進士正德間守夔愛民教士
善政良多

韓坤舊志字子原蒲城人正德間進士任知府夔地
僻吏治多苟公曰爲政如水火烈易避水弱易溺民
已慢矣不可緩也乃更嚴約束易置府吏以剛克之郡
事大舉

張環舊志陝西西安人嘉靖己丑進士以戶部郎中
任夔州知府敏於臨政厚於愛民創觀文樓於衙後以

夔州府志

卷一十四

政績

一三一

上

壯風水郡事多所修舉擢山東按察司副使

許應元舊志錢塘人嘉靖乙未進士以工部郎中任夔
州知府悉心民事銳意學校文章政績赫然著聞陞四
川按察司副使歷官太僕寺卿所著有水部稿茗山集
行世

唐時舊志字學孔號願菴直隸雄縣人嘉靖中進士
爲夔郡守政尙平易守己清廉陞揚州運使

張廷柏舊志蒲州人嘉靖中進士知夔州府事廉靜嚴
明市田三十畝以食貧生又憫民無井尋瓦筒舊迹經

數十餘里引水入城民甚便之

許宗鑑舊志福建晉江人嘉靖癸丑進士任夔州知府
操守清介政尚德化修郡城易以石址濬舊池七處自
翟家坪侯家灣引水會於張公井興學校課諸生建社
學酌取朱子家禮刊爲宜民體要勒石學宮後陞副使
劉澤舊志陝西監生任夔州府同知累有政績歲戊
子大旱先是軍餉覈實方給公曰必待覈人饑死矣如
期發給又以預備倉穀賑饑民賴全活自奉甚約每於
衙側植青菜以供膳時稱劉青菜

夔州府志

卷一十四

政績

三二

上

劉楷舊志直隸宛平縣舉人嘉靖中任夔州府同知
操守清潔斷事明敏案無宿牘獄無冤囚吏民畏服秩
滿赴京行橐蕭然時有青天之號云

朱之柱通山縣志號石齋湖北通山縣人前任四川巡
按朱廷立之子由歲貢任四川東鄉縣知縣居官清勤
方正不阿削鋤彊暴東鄉士民戴之時播州寇亂督糧
征勦有功當道交薦神宗特賜金字匾額曰欽錫殊勲
陞夔州府同知訓民勤耕讀守本分俗皆化之不久告
歸壽七十五卒

汪 奎舊志婺源人進士由御史左遷夔州府通判砥礪名節陞成都府知府有去思碑

張 翔舊志廣東高要舉人宏治中任夔州通判和易近人廉介持己後陞太平府知府

謝文奎舊志華容人成化中任夔州府學訓導學問優長樂成士類

劉 顥舊志永興人宏治中任夔州府學訓導剛毅方正善誘士類

陳 仰舊志字崑南銅梁貢生萬曆二十二年任夔州

夔州府志

卷一十四

政績

一三三

上

府儒學教諭行遵古道質任自然歲時橫經與諸生說仁義修脯有餘輒以贍給貧困請於府縣培補學校修葺文昌祠自後二十年科甲蟬聯郡人士思之弗緩云

郭 棐舊志字篤周廣東番禺人萬曆初以禮部郎中出守夔州府請復捕官以緝盜復奉節縣學以育才大寧雲安鹽課溢額楚蜀馬船更遞甚爲民病悉請罷之旋陞四川按察司督蜀學所取皆得人府城舊有郭耿二公祠耿謂耿爭光也

徐禎稷舊志號厚源松江人父三重有理學之名及禎

稷繼成進士以清白世其家天啟間由部曹出守夔州
府律已嚴與人恕吏民愛戴御史毛羽健按蜀稱其才
守並超特疏薦之未用

楊 祥陝西通志寶鷄人景泰丙子舉人任四川重慶
府通判升夔州府同知廉介有爲剛毅不阿人號青菜
楊

楊 純甘肅通志字粹夫寧州人舉正德丁卯鄉試升
夔州府同知剛方自持不阿於時整飭軍伍奸弊肅清
鄭 札陝西通志字伯文澄城人少有志操負笈馬文

夔州府志

卷一十四

政績

一三四

上

莊之門砥礪行業嘉靖甲子舉於鄉以高第入爲戶部
主事出知夔州府皆有治績舊志作鄭禮

成 爰陝西通志字鎮寰朝邑人萬曆癸丑進士遷知
夔州府知府清直益著減貨稅置義倉農商感頌卒之
日貧不克辦葬士民助之

伯寧國雲南通志字肖雲南寧人萬曆間貢生任夔州
訓導後署建始縣以仁廉稱

石 顯江南通志字孔彰穎上歲貢任南陽通判旋改
大名通判後陞夔州府同知贊政有聲享年百歲有奇

國朝

許嗣印舊志鑲藍旗人康熙二十五年知夔州府事時寇氛初靖嗣印力事拊循尤留心學校纂修郡志事多徵實又念夔巫間夏秋江漲水險設救生船以拯溺丁卯歲旱郡城火三日不熄訛傳妖蛇爲祟嗣印禱於城隍神俄頃大雨時有官可回天之謠

毛文銓舊志字晉階三韓人康熙三十八年涖同知任兼夔關稅務恤商民多惠政創建書院置買學田不惜重金聘名儒以教多士自是文風丕振乙酉後登賢書

夔州府志

卷一十四

政績

一三五

上

者科不乏人後歷官至福建巡撫夔紳士歷久不忘改晉階書院爲毛公祠每歲八月初一日羊一豕一祀之謂之毛公會

崔邑俊由巫山縣令陞直隸邛州游陞夔州府到任百廢俱舉教養兼至邑人祀之

汪志敏通志江西貢生雍正六年任府判首濬利民池以禦火災倡修奎章閣以培士氣在任十餘載饒有惠聲

徐良通志江蘇婁縣舉人乾隆二十九年由中書累

官夔州府知府爲政寬平切於教士建雲安書院親書碑文楷法有時名

李復發通志字潛夫福建安溪人乾隆己未進士三十二年任夔州府整飭地方百廢俱興創建蓮峯書院捐買大寧鹽廠官竈四眼以爲束修膏火又自遣人購閩板經籍度置院齋以示士子其他設留養局增義渡田尤多實政云邑人祀之

江 權通志字越門安徽歙縣人乾隆乙丑進士三十八年任夔州府下車訪擒巨猾部內肅然數至蓮峯書

夔州府志

卷一十四

政績

一三六

上

院與諸生講解所著有正頤堂稿邑人祀之

仲純信通志字嵯峰山東萊陽監生初任新都乾隆四十一年任夔州府振綱肅紀頒行保甲法一時郡內肅清先是王梅溪有十賢堂久湮沒純信特設主祀於蓮峯書院後又改建武侯祠於瀼西之坪一方資景仰焉張至軫通志字蘭沙安徽合肥人乾隆甲辰進士嘉慶元年由部郎出任夔州府值教匪滋擾總理糧務轉輸絡繹絲毫不擾於民以勞

賜花翎蹂躪之後盡心休養未幾卒於官事

聞廕一子邑人祀之

方積安徽定遠縣選拔嘉慶辛酉年涖任時教匪未靖公籌辦軍儲井井有條不以轉輸累閭閻東北屢經蹂躪賊往來蹤跡無定公令鄉民集團築砦人自爲守賊至無所掠食硿寨時以鎗礮擊之賊不敢至兵燹少靖卽興文教大寧鹽竈被水冲毀歲課難徵無以供書院束修膏火之費公每歲捐廉以給官課時至書院親評得失間作詩文以爲多士程式癸亥年陞任建昌兵備道去任士民送者盈途攀轅卧轍依依不捨後洊陞

夔州府志

卷一十四

政績

三十七

上

四川布政使著有敬恕堂詩存凡六卷行於世詳見通志

周景福通志字介之河南祥符人由屏山典史擢安岳知縣嘉慶元年權奉節縣事會勦齊峩山教匪有功

特擢知夔州府知府烽燧初銷亟興教養捐俸改建奉節學宮重修蓮峯書院添額養濟以贍貧民舉行賓興禮助寒士旅費不下千金又於柏楊圓壩子開挖淤田萬畝捐銀至一萬二千餘兩惜山土鬆滑日久仍淤今尙存數百畝公後陞陝西延綏道未赴任卒夔人祀之

鄧 熿通志江西新城舉人初知太平縣有異績累遷至夔州知府和平施設於地方城垣水利書院校廳多所整理嘉慶辛未增修考棚號舍工蕝而卒士民惜之李在文字守之漢軍鑲紅旗人嘉慶十七年十月涖夔州府任下車日入文廟拜謁見殿宇傾圮卽慨然曰是守土者之責也然以事關重大未易輕舉於是先釐他務或除暴安良或興養立教諸政事孜孜不遑日夜靡懈夔城之民望車蓋者無不畏威懷德因求治積勞太甚不數月而卒衆論惜之時代辦府事者係附郭蔡星

夔州府志

卷一十四

政績

三三八

上

仰體公德卽先成其脩廟之志有碑記可考至公之前署江北牧守綿州等處政績甚多均詳載四川通志

邑紳

公稟

瑪隆阿滿州正白旗官學生嘉慶癸酉年涖任時秋禾歉收米價騰貴公下車伊始卽捐廉四千金酌派紳士赴重慶買米歸郡平糴民賴以安次年春復倡捐設粥廠並諭紳民助米凡三月日給數千人食饑民存活無算任內補修東門城垣數十丈

邑紳公稟

楊世英湖北德安府雲夢進士嘉慶乙亥年涖夔公正

勤廉法紀秩然涖郡三年莫不愛戴樂育寒士歲時賜
給薪米之費者數十人書院官課傳集生童親爲評校
面爲指授寒暑不輟捐廉三千八百兩給六縣置義學
義倉又增置留養新局於小西坪並修葺年久傾圮之
節孝坊捐修武侯祠杜公祠造城東永濟橋後山上石
路夔俗民間嫁娶僭用旂繖執事各廟經醮擅用鐵砲
咸爲諭禁以正風尙調任成都猶慮風水未培分廉郵
致邑令王如琯建文峯塔其眷眷於夔民如此塔成後
三科獲售者五人士民感慕不置沒後立主祀之邑紳
公稟

夔州府志

卷一十四

政績

三九

上

吳昇浙江錢塘縣舉人嘉慶己卯年署任公廉慈惠
政尙寬恕時值奉雲萬三縣歉收公捐廉千兩分給賑
卹戴恩者衆改名文峯塔爲耀奎塔著有小羅浮山館
詩鈔十二卷行世邑紳公稟

胡元善字葆初號少岩資州井研人少穎悟能文入泮
時年僅十二學使目爲神童嘗受業於鄧悔菴先生得
宜興儲氏之傳乾隆丁酉拔貢中己亥經魁任夔州府
教授飭躬端穆非公事不出戶庭初夔俗師法無承率
以誦習時文爲捷徑公訓以文必根柢經史爰是文風

翕然一變六邑負笈從遊者恒五六十人歷任郡守皆
重其品學延主蓮峯書院後陞雲南知縣邑紳公稟

夔州府志

卷二十四

政績

四十

上

奉節縣

後漢

樊 顯後漢書張堪傳堪拜蜀郡太守蜀人大悅後拜
漁陽太守帝嘗召見諸郡計吏問其風土及前後守令
能否蜀郡計掾樊顯進曰漁陽太守張堪昔在蜀仁以
惠下威能討姦前公孫述破時珍寶山積捲握之物足
富十世而堪去職之日乘折轅車布被囊而已帝聞良
久歎息拜顯爲魚復長

宋

夔州府志

卷一十四

政績

一 下

唐 介奮通志字子方湖廣江陵人天聖八年進士爲
奉節令其政以通民情理冤獄爲先召授御史裏行劾
張堯佐不得授宣徽使又論文彥博以奇錦媚宮掖非
大臣體貶英州別駕天下想望其風采後梅溪王十朋
守夔檄奉節令喻思然立祠祀公自爲文祭之
喻思然舊志益州人捫膝先生喻汝礪之子也乾道中
爲奉節令政先撫摩又立唐質肅公祠以表章先賢秩
滿歸省王梅溪贈詩云捫膝先生有鳳毛三年魚邑試
牛刀要令人被絃歌化詎肯身辭州縣勞賢令首祠唐

質肅詩篇時出楚風騷西歸更勉家傳學雲犛行看九
萬高

馮時行舊志字當可巴縣人紹興狀元與朱松曾開等
極言和議之非出爲奉節縣尉陞知萬州公平廉謹治
甚有聲百姓愛之立祠以祀有縉雲集行世

明

戴 儒奉節縣志湖廣巴陵人洪武中知奉節政善民
安多有遺愛

尤 良奉節縣志浙江平陽人天順中知奉節興革便

夔州府志

卷一十四

政績

二

下

民重修縣治奏減逃糧民咸感之

萬同太奉節縣志湖廣麻城舉人萬曆中任奉節令賢
聲丕著士民戴之行取內陞

徐映春奉節縣志江西南昌舉人崇禎中任奉邑令處
已剛介治政公勤後陞元州知州民感其德建有遺愛
碑

施之朝奉節縣志江蘇舉人崇禎中知奉節才能併著
恩威兼施廉潔有聲士民戴德後陞陝西漢中府同知
陞任之日奉邑紳衿父老祖道江干豎有去思碑

趙鳴鳳奉節縣志貴州普定衛舉人任奉節令嚴於御
下勤於造士爲政有綱紀著作有文章至今士民思慕
嘗修邑志文獻實賴以傳云

李 坤奉節縣志雲南澂江舉人任奉邑令銳意修職
盡心民事常節省里甲夫馬之費邑人至今感之

國朝

陳漢良通志福建閩縣舉人康熙四年知奉節修南街
縣署在任十餘載民安政善吳逆叛抗節不從後致仕
歸

夔州府志

卷一十四

政績

三

下

栗生蘭通志遼東監生康熙十九年知奉節惠政賢聲
士民戴德旋陞陝西臨洮府同知

王 涵通志直隸進士康熙四十三年任奉節令時邑
多盜賊涵緝之甚密處之甚嚴民賴以安

王漢周通志字晉侯湖廣黃岡人康熙癸未進士任奉
節令有廉明聲累官陝西鞏昌府知府行篋中惟敝衣
數事見者感歎

李作梅通志湖北大冶縣舉人乾隆三十六年知奉節
體恤民隱判斷虛公校士衡文樂育寒峻捐俸修補文

廟大成殿士民戴德

蔡星直隸大興縣人嘉慶癸亥年任奉節令前後十有二年閭里瑣務無不備悉民畏其明而不敢欺感其惠而不忍犯公庭閒寂政簡人和操守潔清終始不渝山巖之民恒於節序奉米穀薪煤肩挑背負而至盈於庭階向上叩首而去亦莫知其姓氏也任內捐銀三千餘金修府縣文廟至今巍煥改置義學於文昌廟側僻靜不染囂塵人皆便之卒後邑人祀之

黃遵素字繪之號竹亭綿州綿竹縣人乾隆丁酉舉人

夔州府志

卷一十四

政績

四

下

大挑二等嘉慶戊午任奉節教諭時教匪跳梁素於烽警少靖卽勤訓士子與胡少岩共主蓮峯書院講席性嗜風雅時召生徒明晰四聲與詩賦之法每校課卷必爲辨正字畫示以顏魯公干祿碑今之郡士粗識詩律而字畫少訛者素之力也後陞河南項城縣知縣王如琯江西廬陵縣人嘉慶乙亥年任奉節令秉性慈惠斷事明察邑民畏而愛之培植文風倡捐廉俸創建耀奎塔於城東山麓奉邑鄉試十餘年無人中式塔成卽有獲售者復設義學教貧家子弟後調巴縣士民祖

錢有泣下沾襟者現陞巴州知州未到任卒

以上俱新增

巫山縣

漢

李通後漢書本傳字次元南陽宛人補巫丞有能名

王莽末通自免歸光武卽位徵爲衛尉封固始侯拜大

司空

宋

黃嗣直巫山縣志江西豫章人太史黃魯直之弟大巾

靖國元年任巫山令博學有才愛民興士邑人德之

夔州府志

卷一十四

政續

五

下

明

嚴昇舊志繁昌人永樂中任巫山令公勤有守百姓

歌頌陞江西僉事入祀名宦祠

按縣志名宦祠嚴昇後有祝簡之名而無政績

可考

陳銑巫山縣志江西新建舉人宏治中任巫山令廉

以持己慎以奉公開修要路以利往來陞合州知州入

祀名宦祠

唐書巫山縣志湖廣麻城人正德中任巫山令事上

不阿待下不刻創修石城民永賴之入祀名宦祠

劉昇巫山縣志湖廣監利舉人嘉二十年任巫山令練達治務勤勞撫字謹清操而免荼規念衝要而省里派興學崇儒政優教飭累蒙薦獎陞慶陽府通判士民立祠以祀有去思碑入祀名宦祠

張澤巫山縣志桐城人嘉靖中任巫山令除苛繁革弊政理劇如風持廉若水異績多端賢聲懋著陞衢州府通判轉雲南僉事入祀名宦祠

按縣志名宦祠張澤後有余勲之名而無政績可考

楊安巫山縣志贊皇人成化時由官生授北京照磨

夔州府志

卷一十四

政績

六

下

尋陞巫山縣令清乏歸囊遂家於巫授官田二十四畝坐落坪龍官地二十四畝坐落大木樹

韓達巫山縣志陝西寶雞監生正德中任巫山主簿愛民重士扶弱鋤強散鹽利以成鰥夫之配捐俸祿以蘇逋負之氓

趙時鳳巫山縣志貴州新添衛人萬曆丙子知巫山縣事修城建學仁威並著士民咸頌德焉

張惟任通志字希尹別號覺菴潼關人已卯舉人任巫山令親課農桑正學田經界租入贍寒士貧民婚葬捐

俸助之手校驛遞嚴祛貫蠹賦聽民自輸值旱澇禱輒
應山谷民多販鹽茗爲食黠駟嚇禁之往往棄走取嚇
者論如刼民乃大歡流移自還設醫藥拯疫癘尤盡心
刑獄所讞活甚衆建橋溪塹名曰便民民指爲張公橋
陳應試巫山縣志任巫山令政簡刑清廉能最著去之
日邑人泣送於道建祠東關外肖像祀之
楊日楚巫山縣志興國州舉人萬曆四十七年知巫山
縣事惠愛及民德澤遠播行取北京工部主事邑人立
祠以祀之

夔州府志

卷一十四

政績

七

下

沈 向江南通志江南人字德一萬曆乙卯舉人任巫
山令時流賊圍城月餘向率衆堅守賊引去擢御史巡
漕

國朝

崔邑俊通志字碩秀山西大同府陽高縣貢生雍正四
年由教職陞任巫山令見川水洶湧捐俸設立救生船
二隻於大溪培石各灘守候以防不測如救一人賞銀
一兩以資鼓勵舟客多所保全雍正五年楚省饑民入
川覓食者日以千計公稟報上司均檄飭攔阻公毅然

將不可阻之故稟報上司復懇飛咨楚省嚴飭前途州縣各爲安恤其已至者公捐俸賑粥躬親料理勸諭前行病者給以藥餌斃者施以棺木一時歌聲載道無遠弗屆由是循聲上達雍正六年陞陝西直隸同州知州旋以本省賢能調直隸邛州知州巫邑舊例每年應幫貼夫役共銀三百餘金公悉行優免以紓民力闔邑立碑頂祝不忘後仕至夔州府知府

朱斐然通志廣西荔江舉人知巫山縣事自明季城垣頽墜後至斐然始爲修補可資守禦西井久湮疏引以

夔州府志

卷一十四

政績

八

下

便民日用至今士民咸思慕之

錢基通志江南金匱人乾隆十五年知巫山邑無書院基捐俸剏修并籌膏火爲久長計士民德之

梁國林通志順天舉人乾隆三十六年知巫山時方有事金川各省奉調大兵過境差務倥傯國林能靜鎮外不誤役內不擾民邑人德之爲立祠以祀

段玉裁巫山縣志江南金壇舉人乾隆四十三年莅巫時值饑饉斗米錢二貫公到先發倉開賑乃請上憲全活甚多先是邑有總里最爲民病公概除免著爲令公

餘時入書院與諸生講論文藝書院齋舍迫迮復爲置屋六楹師生便之喜著述在巫時著有十三經說文解字續聲韻攷六書音韻表若干卷今尙有存者

徐士林巫山縣志順天通州人嘉慶元年署縣事二年閏六月教匪臨城公設法團練防守無倦城賴以安又勸捐設粥場賑濟至今猶有口碑

徐朝綱巫山縣志柳州馬平人乾隆五十四年任巫營都闖嘉慶二年教匪滋擾協同縣令徐士林及士民固守堵禦日夜巡警城賴以安南鄉拐子坪一帶有邪教

夔州府志

卷一十四

政績

九

下

惑民公親至其處諭撫民心以靖

大昌縣

并歸巫山

明

趙誠舊志昆明人宣德中知大昌縣事學問淹博政事和平進階府同知

易良舊志臨桂人正統初知大昌縣事廉介有爲門無私謁深識治體任滿民不忍舍

徐哲舊志含山人正統中知大昌縣事張弛適宜九年無玷去之日行李蕭然民泣送之

魏 璫舊志環縣人成化初知大昌縣事兵燹之餘愛
民興學遷眞定府通判

錢 潤舊志字良玉慈谿人成化中任大昌縣實心教
養不事苛察有古循吏風嘗有詩云名應列宿宰深山
治事優餘味孔顏難道吳儂無學術天官容我一身閒
其仕優則學與治追古人之意隱然見於言外

董 忠舊志無極人宏治中知大昌縣事臨事精敏制
作有方利澤及人士民感慕

吳大童舊志盱眙人嘉靖中知大昌縣事心性坦平以

夔州府志

卷一十四

政績

十

下

文學飭吏治接士子無崖岸推赤心以待百姓脩舉廢
墜尤留意學校邑中耆舊立祠樹碑以頌其德

萬 松舊志武陵人正德癸酉鄉貢嘉靖中任大昌教
諭經明行修設教有序生徒懷之至今稱善教者必曰
萬先生後陞偃城知縣轉蘇州府同知

陳靖之舊志湖廣江夏貢生崇禎間知大昌縣事清廉
愛民甚得民心時流寇入川挺身殺賊有膂力使一鐵
鞭因號爲陳鐵鞭保護城池賊不敢犯

程正典舊志銅仁府舉人崇禎年知大昌縣事德能撫

民智足禦亂昌民至今感之陞夔州府知府有惠政
雲陽縣

宋

李 周采史本傳字純之馮翊人登進士知雲安縣蠲
鹽井之征且百萬孫固薦之召對問邊事稱旨神宗謂
固曰李周樸忠之士也朕且以爲御史

郭黃中舊志隆興中知雲安一夕夢神語之曰事有隱
匿公宜察之明日有執私宰耕牛九人至執者請賞公
疑之蓋嘗殺牛而嫁禍九人者公詰之遂服罪而釋九

夔州府志

卷一十四

政績

十一

下

人人謂其有詰奸之明

劉 甲舊志通州人淳熙二年進士知雲安勞心民務
嘗同夔州楊輔遊古書巖有留題歷官寶謨閣直學士

張 灝舊志慶元中知雲安軍民安物阜題四并臺有
詩

元

李敦武通志雲安同知興學造士有政聲

明

蘇 整舊志雲安大使修鹽竈疏通積滯民懷之立祠

祀焉雲陽縣志作薊整載入元朝

劉 顒舊志新淦人永樂中任雲陽教諭有學有行士人宗之

趙 璧舊志西安人永樂中知雲陽縣事政平訟理吏服民懷

謝文彬雲陽縣志羅城人正統中知雲陽時羣虎白晝食人多方除之頌德者比之劉昆

柳 復雲陽縣志黃岡人景泰中知雲陽存心公直勸課農桑

夔州府志

卷一十四

政績

十二

下

潘 瑞雲陽縣志普定舉人嘉靖初知雲陽政先撫字御史按部薦之歷官本省參議

陳爾善雲陽縣志南京貢生崇禎中知雲陽縣事端方仁愛薄賦輕徭寇亂頻仍率民渡江民藉生全

劉 烜雲陽縣志彝陵貢生崇禎中知雲陽縣事政簡刑清聽斷如神修城運糧夙夜匪懈民賴保障

國朝

楊允昌通志江南上元貢生康熙三年知雲陽披荆棘開城垣招徠撫字土民漸歸歷任六年文田定賦清慎

勤勞雲邑規模由斯始定

鄒應泗通志陝西鳳翔進士康熙十九年知雲陽招撫流離勸民耕織月課士子訓誨不倦

覃 岱舊志貴州舉人康熙五十一年知雲陽縣事存心愷悌立政和平民愛戴之

秦 晉通志浙江進士康熙五十九年知雲陽剛方正直吏畏民懷講論制藝士林敬服

劉之廉舊志資陽歲貢雍正二年任雲陽訓導端方正直長文學好詩賦整飭士習勤於教誨壽八十有五乞

夔州府志

卷一十四

政績

十三

下

老致仕

沈 瀘通志河南固始舉人乾隆二十二年知雲陽清廉寡慾和平愛民捐廉勑修書院訓迪士子人咸稱頌焉

單行舉山東高密舉人任雲陽縣事秉政剛方吏畏民懷乾隆二十八年捐廉重修文廟每逢月課勤勞考校士民悅服

詹 仰江西餘干人由明通於乾隆三十年任雲陽縣事存心愷悌立政和平勸捐士民重修城垣創立城樓

保固衛民雲民愛戴

嚴作明浙江會稽人由供事辦理軍務乾隆四十年題授雲陽縣任端方正直清廉勤慎勸里民捐修書院設立膏火士民感戴

薛諧律山西萬泉舉人署雲陽縣事政簡刑清聽斷如神修城巡警夙夜匪懈民賴保障每逢朔望宣講

聖諭民多感化

梁敦懷浙江新昌人由部議敘嘉慶二年署雲陽縣任寬懷濶度撫綏難民於嘉慶三年親率鄉勇紮營高陽

夔州府志

卷一十四

政績

十四

下

鎮攻打開竹坪賊於嘉慶四年在南溪鎮設立糧臺兵無缺食又諭令各甲修理寨砦置立炮位堵禦賊匪賑濟貧民民便耕種重修衙署城垣建立武廟歷任八載招安賊匪四野清靖民得安居至今咸稱樂只焉因功擢陞綏定府歷陞本省鹽茶道轉陞雲南藩司

殷可儀江蘇贛榆人由布政司經歷加捐知州嘉慶十五年署雲陽縣事謙恭靜雅寬厚待民捐廉修理聖廟創修文昌啟聖祠士民樂頌

以上新增

萬縣

唐

嚴挺之新唐書本傳名浚以字行華陰人舉進士並擢制科姚崇執政引爲右拾遺先天二年正月追賜元年酺帝御延喜安福門縱觀晝夜不息閱月未止挺之上疏諫以爲酺者因人所利合釀爲歡也不使靡敝今暴衣冠羅伎樂雜鄭衛之音縱倡優之玩不深戒慎使有司跛倚下人罷劇府縣里閭課賦苛嚴呼嗟道路貿壞家產營百戲擾方春之業欲同共樂而反遺之患乃陳五不可誠意忠到帝納焉侍御史任正名恃風憲至廷

夔州府志

卷一十四

政績

十五

下

中責詈衣冠挺之讓其不敬反爲所劾貶萬州員外參軍事開元中爲考功員外郎累進給事中典貢舉時號平允遷太府卿宰相張九齡雅知之用爲尙書左丞知吏部選戶部侍郎蕭炅林甫所引不知書嘗與挺之言稱蒸嘗伏臘乃爲伏獵挺之白九齡省中而有伏獵侍郎乎乃出炅岐州刺史林甫恨之九齡欲引以輔政使往謁林甫挺之負正陋其爲人凡三年非公事不造也林甫益怨下除涪州刺史徙絳州天寶初帝顧林甫曰嚴挺之安在此其材可用林甫退召其弟損之與道舊

因給挺之使稱疾願就醫京師林甫已得奏卽言挺之
春秋高有疾幸閑官得自養帝恨吒久之乃以爲員外
詹事詔歸東都挺之重交游許與生死不易嫁故人孤
女數十人當時重之

苗 拯舊志上黨人峭直有學術以諫議大夫貶萬州
張 造舊志爲萬州刺史秦宗權餘黨常厚屯白帝爲
許存所破厚奔萬州造力拒之厚奔綿州萬得以全

宋

魯有開舊通志至和中知萬州政寬民和人懷其惠暇

夔州府志

卷一十四

政績

十六

下

日修西山池亭萃泉石之勝雜植竹木花果一時名賢
遊咏其中後之人名其地爲魯池云

束 莊通志嘉祐間知萬州舊多火災莊籍羨緡募陶
人屋皆易瓦並教民儲水爲備其害始息民甚感之

王可道舊志熙寧間以大理寺丞知萬州時旱祈禱有
感

趙希混舊志元豐間知萬州與范鎮張俞常酬唱於二
詠亭三人齊名一州稱爲盛事

張大中舊志永陸進士紹興中爲南浦令甘清苦勤民

事時稱古廉吏歷官果州通判

馮時行先出爲奉節令後陞萬州其政績詳見奉節志
盧宗式舊志紹興間知萬州政和訟理祈雨尅期而應
張 賓舊志慶元中知萬州有惠政加意造士時郡士
二人同年登第賓立桂花坊以表之

楊鼎年朝野雜記武興之變知萬州楊鼎年避僞去官
明

劉 成萬縣志洪武七年知萬縣草創之初制度未備
多所創立人稱爲賢令云

夔州府志

卷一十四

政績

十七

下

桂仲權萬縣志洪武十五年知萬縣首建學校百務具
舉

郭子盧萬縣志江西太和進士洪武中知萬縣政甚有
聲邑人稱頌歷官廣西僉事通志作郭子虛

高 溥萬縣志歙縣人永樂中知萬縣愷悌愛民有古
循吏風

徐 熙舊志直隸霍邱監生成化中知萬縣涖政公勤
處己廉潔政聲遠著吏畏民懷

龍 濟萬縣志江西舉人成化中知萬縣廉介自持愛

民如子修砌石城周五里餘民賴保障

寶 祥 寓 縣 志 河 南 祥 符 進 士 以 御 史 謫 知 萬 縣 廉 能 剛 介 志 意 不 隳 惠 政 及 民

楊 湜 寓 縣 志 雲 南 太 和 舉 人 正 德 中 知 萬 縣 刑 清 政 舉 士 悅 民 安 開 藥 局 以 惠 民 給 棺 槨 以 助 葬 民 感 其 德 時 稱 循 良

成 敏 貫 舊 志 湖 廣 石 首 舉 人 嘉 靖 中 知 萬 縣 廉 慎 公 勤 剛 明 果 斷 勤 教 養 服 叛 蠻 士 民 至 今 思 之

唐 燦 舊 志 嘉 靖 中 任 萬 縣 教 諭 勤 學 善 誘 捐 俸 以 給

夔州府志

卷一十四

政績

十八

下

貧士多賴陶成後陞福建平樂知縣

李 植 寓 縣 志 湖 廣 黃 岡 舉 人 萬 曆 五 年 知 萬 縣 廉 能 並 著 士 民 懷 之 召 入 爲 御 史

毛 羽 健 舊 志 湖 廣 公 安 進 士 天 啟 間 知 萬 縣 三 載 循 聲 大 著 調 任 巴 縣 去 之 日 闔 邑 紳 士 父 老 祖 道 江 干 泣 聲 載 道 有 去 思 碑 累 官 御 史

方 元 正 寓 縣 志 字 起 白 福 建 莆 田 人 崇 禎 甲 申 知 萬 縣 性 剛 方 而 慈 愛 到 任 半 載 時 寇 亂 頻 仍 寸 土 無 耕 人 至 相 食 元 正 捐 資 設 粥 活 之 歷 任 九 年 人 以 爲 古 之 遺 愛

趙 珂萬縣志太原人鄆藍爲亂餘黨安插臨江事勢危迫又土漢兵轉集動費萬錢珂善經營無恐賊平致仕歸

國朝

王貞一通志江南太平恩貢康熙二年知萬縣耿介自持恩威並著人多仰慕

鄭朝清萬縣志福建泉州舉人康熙十年知萬縣事秉志不阿勤敏民事訓課士子咸仰其德

張永輝萬縣志山西臨汾縣人性通敏才幹練康熙十

夔州府志

卷一十四

政績

十九

下

一年任萬縣捐俸創修儒學義學名宦鄉賢崇聖祠作養人才有文翁遺風

龍麟錦萬縣志廣東番禺舉人康熙十九年任萬縣忠厚廉潔慈愛及民

劉乃大舊志字有容江南山陽人乾隆元年由廩生知萬縣事清廉持己慈惠及民凡捍吏豪奸剔除幾盡捐俸立靜波樓修明倫堂又於泮宮前開便民池修石棍百餘丈自舉人關引水入池居民便之

陸 錦江南長洲縣人署萬縣事以昔年錢糧不滿千

金試童不滿百人邇來額徵三千有零童生數百應試
詳請改爲中學上憲批回當先由首縣增額公方擬詳
適陞嘉定州不果闔邑感之立碑於明倫堂

劉文華山西直隸吉州鄉寧縣舉人乾隆二十六年任
萬縣勤於教養創設養濟院以贍孤貧士民懷之至今
咸仰慕焉

梁文五山西汾州府介休縣舉人乾隆三十六年任萬
縣廉介自持寬猛相濟有古循良風建修西山書院以
廣作育

夔州府志

卷一十四

政績

二十一

下

梁震江西吉安府太和縣拔貢乾隆三十九年任萬
縣明敏果決奸民猾吏聞聲斂跡民甚愛之

李重福山西直隸解州拔貢乾隆四十七年任萬縣勸
農課士恩威兼濟閭閻聲稱不置

孫廷錦直隸易州舉人乾隆四十七年任萬縣剛正果
斷吏畏民懷修石城以衛民社建塔閣以培文風多所
創立有古遺愛風

劉大經陝西西安府長安縣吏員於嘉慶二年任萬縣
廉明果斷公正無私值教匪竄境滋擾百姓驚恐公善

應變不傷財動衆卒賴無虞

王世燾江西饒州府鄱陽縣人嘉慶四年任萬縣惠愛
慈祥寬以濟猛教匪犯境多方保護百姓無恐今邑中
建設公樂堂歲撈浮屍是其所倡捐者

李 壘雲南大理府太和縣副榜嘉慶十六年任萬縣
惠愛及民其尤著者捐俸以課士子遷陞之日閣邑衿
士父老祖餞道旁聲稱藉藉

莊炯明浙江嘉興府人遇事果敢聽斷有聲邑有匿名
揭帖幾釀巨禍公具詳力剖求上憲確查後查實果虛

夔州府志

卷一十四

政績

一一一

下

上憲敬之邑人戴之立匾額曰公燕豈弟

宋大中直隸磁州舉人事母孝嘉慶二十二年任萬縣
事操守清介致治廉明以勞瘁卒於官士民懷之請入
名宦祠未准後總督蔣攸銛查知以名宦報部有案_上

新增

開縣

唐

柳公綽_{新唐書本傳}京兆華原人幼孝友性質重起居
皆有禮法屬文典正不讀非聖書舉賢良方正直言極

諫再登共科屢遷開州刺史地接夷落寇常逼其城吏曰兵力不能制願以右職署渠帥公綽曰若同惡邪何可撓法立誅之寇亦引去遷侍御史吏部員外郎時武元衡節度劍南與裴度俱爲判官尤相引重召爲吏部郎中歷山南東道邠寧河東節度使兵部尙書卒諡曰元

韋處厚新唐書本傳字德載京兆萬年人中進士第舉賢良方正異等憲宗初擢左補闕禮部尙書李絳請開言路曰自古帝王以納諫爲聖拒諫爲昏今不聞進規

夔州府志

卷一十四

政績

一一二

下

納忠何以知天下事帝曰韋處厚數上疏其言忠切顧卿未知爾由是中外推其靖密歷考功員外郎坐與宰相韋貫之善出爲開州刺史入知制誥穆宗立爲翰林侍講學士敬宗初進翰林承旨學士拜中書侍郎同中書門下平章事言近君子遠小人始可爲治又言裴度忠可久任帝嘉納之太和二年薨處厚姿狀如甚懦者居家亦循易至廷爭巖然不可回奪剛於御史百僚謁事畏惕未嘗敢及以私本名淳避憲宗諱改

唐 次舊通志字文編北海人貞元中貶開州刺史簡

易廉平居民胥悅凡十二年轉夔州愷悌紓息盡心民事新舊唐書俱云并州晉陽人其貶開州第載作辨謗畧改夔州亦不言政績

温 造舊通志祁縣人穆宗時爲侍御史李祐爲左金吾將軍進馬百五十四匹造奏祐違敕進奉請論如法詔釋之祐退謂人曰吾夜半入蔡州城取吳元濟未嘗心動今日膽落於温御史矣敬宗初貶開州司馬性剛斷能體悉民隱士民慕之舊書本紀造彈李祐在敬宗卽位之年七月卽穆宗長慶四年也其由起居舍人貶朗

夔州府志

卷一十四

政績

一三三

下

州刺史則在長慶元年十二月新舊書本傳俱無爲開州司馬事

宋申錫舊唐書本傳字慶臣登進士第寶曆二年充翰林侍講學士申錫始自策名及在朝行清慎介潔不趨黨與文宗卽位拜戶部郎中知制誥太和二年復爲翰林學士初文宗常患中人權柄大盛自元和寶曆比致宮禁之禍及王守澄領禁兵跋扈尤甚有鄭注者依恃守澄爲姦利文宗雅知之察申錫忠厚因召對從容言及守澄謀去之未幾拜左丞踰月加平章事太和五年

注與守澄告申錫與漳王謀反守澄將就屠申錫之家左常侍崔元亮等請以申錫獄付外再貶申錫爲開州司馬申錫約身謹潔尤以公廉爲己任四方問遺悉無所受旣被罪有司獲其所還問遺之狀朝野爲之歎息七年七月卒於開州開成元年詔復其位

楊汝士開縣志北京人長慶元年禮部侍郎錢徽知貢舉汝士弟殿士中式先是元禎與中書舍人李宗閔爭進有隙宗閔婿蘇策亦及第禎因言禮部所取皆以關節遂貶錢徽宗閔遠州刺史汝士爲開江令

夔州府志

卷一十四

政績

二四

下

五代

慕容章舊志太原人爲開州刺史才能超卓子延釗輔宋太祖有功封章河南郡王

宋

劉源舊志嘉祐中爲開州萬歲令溪有灘舟楫患之源疏鑿盡力石解流通民號曰開灘長官立祠祀焉陳公璟舊通志慶元初爲開州刺史恩威并著民思之嘗立懷古堂以思昔賢

虞公著舊志知開州有盜數千至境郡人大震公著不

爲動徐遣兵禦之又募茶商三百餘人力拒之賊敗走一邑獲安

王正輔舊通志紹熙初爲開州刺史有善政碑

周 湛宋史本傳字文淵鄧州穰人進士甲科爲開州推官後爲夔州路轉運使詳見前

賈 偉一統志嘗守開江貽書丞相趙雄極論武興守吳挺之橫他日陛對又乞裁抑郭逮郭杲兵權孝宗嘉

納

元

夔州府志

卷一十四

政績

二五

下

趙 壽舊志開州刺史張叔向贊云安邦器局峙玉精神隱若峴山遺愛惟肖傅巖中人

明

王勳舊志崑山人當國初庶務未備乃撫字土著安集流移建學校以養士置壇壝以祀神巨細畢舉時稱賢令

邱 瑩舊志麻城舉人宏治中知開縣平易剛毅履任初嘗書聯語自警曰愛百姓如子貪一錢非官卒如其言以疾致仕士民慕之不忘

璩鎮海舊志常山人開縣典史惠愛得民邑人奏留陞
本縣知縣去日邑人泣送於道

楊文舊志平越人正德中開縣訓導流賊鄢藍猖獗
當道檄委知縣事賊抵縣三晝夜文率衆力拒卒保無
虞賊退益修濬城池爲久遠計以功陞漢州判官

余裕舊志湖廣應城人知開縣練達世故博洽羣書
雖值垂老猶勤不倦

孟鐸舊志任開縣主簿資性質樸御下以寬值流賊
猖獗大木繼運乃能以恩撫衆民不知擾國事亦濟卒

夔州府志

卷一十四

政績

二六

下

於木夔邑人悲之

李甲舊志寶鷄進士萬曆初知開縣愛民課士操守
清廉考滿行取主事歷陞山西冀北道功著巖疆後棄
官養母部咨有移孝作忠之稱崇禎七年崇祀名宦祠
李用中舊志朝邑進士萬曆二十年知開縣惠愛及民
刑清政簡後行取主事臨行扳轅載道

周九齡舊志湖廣五開衛人萬曆三十一年知開縣才
能卓絕操守清貞涖任五載初終一轍陞任之日邑人
泣送不舍

余有執舊志江陵人萬曆三十六年知開縣學博才高聽政明敏課士諄誠以丁艱歸補知郟縣陞別駕羣情有職不稱才之嘆

郭 諱舊志益陽人萬曆四十四年知開縣清慎勤明訓課士類修建學宮時獬賊猖狂率兵往禦賊衆長威潰散歲值旱疫捐貲賑濟施藥調治後以年耄乞休士民鐫去思永譽二碑崇祀名宦祠

李 概湖北通志字斗池遠安人隆慶間貢入成均爲高拱所器重授四川開縣知縣善決滯獄

夔州府志

卷一十四

政績

二七

下

國朝

郭孝穆通志陝西長安監生康熙五十四年知開縣加意學校設立義館延師訓士每遇賓興尤力爲獎勸後丁艱歸士民感德追思不忘

大寧縣

宋

臧 丙采史本傳字夢壽大名人太平興國初舉進士通判大寧監官課民煮井爲鹽丙職兼總其事先是官給錢市薪吏多侵牟致歲課不充丙至召井戶面付以

錢既而市薪山積歲鹽致有羨數入爲贊善大夫
雷 說通志淳化中爲將作監丞知大寧監事初鹽場
人戶就井汲泉強弱相陵多抵於訟說乃於穴旁鑿石
爲池以瀦之外設橫板穿三十竅承以竹管分泉接引
謂之筧筒蓋泉初出暴不可遏如此則水勢無奔衝不
平之患民訟亦息今增至六十八竅永爲定則

詳見蓮峯書院

碑記

孔嗣宗通志嘉祐中署大寧監事訪民不便皆除之於
鹽泉南北立長以司其平又立寶源祠以祀井神建朝

夔州府志

卷一十四

政績

二八

下

陽樓以壯觀瞻築凝香堂以延清眺後授夔州路轉運
使判官

曾 開一統志河南人哲宗時任大寧監有賢能聲

虞 祺舊志仁壽人允文之父登政和進士紹興中擢
知大寧監時鹽利多重徵祺悉蠲之每謂法無重徵制
不可壞陞知梓州秦檜遣使督貢方物祺以地瘠民困
聞檜慙而止

趙 方一統志衡山人淳熙中授大寧監教授俗甚陋
方擇可教者親訓誘之人皆感勵自是始有進士

元

袁 岱舊志廣安州人幼聰敏博學能文延祐進士知大寧判官有能名

明

吳孟銘天寧縣志元進士洪武初任大寧州同知建官署遷學校立壇廟政績大著

羅 剛天寧縣志湖南巴陵監生成化中知大寧平易近民却兵省費弭盜禦災九年考滿百姓乞留歷任十年有去思碑

夔州府志

卷一十四

政績

二一九

下

何 珖天寧縣志廣東順德府進士由御史忤旨謫知大寧興學均賦除暴安民有循良聲陞梧州府知府
蕭 芬涇縣志萬歷間以掾吏任蘄州吏目量移大寧主簿播寇楊應龍叛督師邢玠知芬材徵至軍前芬單騎如賊營諭以利害遂降之播平題巴縣丞未幾楊酋復叛欲取重慶芬署巴令任轉運催遣卓有程憲寇滅升南川令未到任卒

國朝

鍾 蓮福建長汀縣舉人乾隆六十年任嘉慶元年春

白蓮教匪竄入寧邑時大軍未集賊勢縱橫蕞爾縣城危如累卵乃召募鄉勇授兵登陴親身巡護七晝夜寢食不遑城中居民得保無虞嗣官兵齊集羽檄頻來一切軍火糧餉供應未嘗稍誤三年春黎兒壩賊匪屯聚親帶鄉勇前往攻擊殲滅賊匪無數大兵之後繼以饑饉捐廉賑恤活民甚衆經總督勒保保

奏奉

諭旨以同知知州陞用在任六載積勞成疾卒於官署身後蕭條艱苦萬狀寧邑紳耆醵金飲助前知府方積贈銀數

夔州府志

卷一十四

政績

三十一

下

千始得扶櫬還鄉後奉

上諭賞加知府職銜廕其子七品承襲至今士民嘖嘖稱道以爲寧邑得有今日鍾公之力也其他善政不可勝紀故未載

郭南英福建閩縣副榜嘉慶八年任寧邑向有文廟而無明倫堂有公廨而無書院學官衙署久經焚燬廢爲民業歷任無議興修者嘉慶十二年南英見廟後左側有民屋數椽卽當年學署舊址前爲忠義祠又前爲節孝祠乃慨然捐資贖還故址率同紳士劉明楚沈滙王

啟鑿沈于岱崔美中吳河清等鳩工庀材剏建學署改
忠義祠爲明倫堂又將節孝祠分爲三楹中祀孝友忠
義左祀教匪案內殉難士民陣亡鄉勇右祀節孝並殉
難婦女皆前經奉文入祠崇祀者額其門曰忠孝節烈
祠改公廨爲鳳山書院置器具購書籍延山長給膏火
爲閣邑生童肄業之地士民思念不置今書院有郭公
祠以上俱新增

忠節

夔州府

晉

柳約之晉書毛璩傳桓靈寶篡位以桓希爲梁州刺史
璩傳檄遠近遣巴東太守柳約之建平太守羅述征虜
司馬甄季之擊破希等仍率衆次於白帝及漢嘉人馮
遷殺靈寶約之等進軍到枝江而桓振復攻沒江陵劉
毅等還尋陽約之亦退俄而季之述之皆病約之詣振
僞降因欲襲振事泄被害

夔州府志

卷一十四

政績

三二二

下

勞 揚晉書成帝紀咸康五年冬十二月李壽將李奕
寇巴東守將勞揚戰敗死之

溫祚時延祖晉書安帝紀義熙六年冬十一月蜀賊譙
縱陷巴東守將溫祚時延祖死之宋書毛修之傳父瑾
爲譙縱所殺高祖表令奔赴又遣益州刺史司馬榮期
及文處茂時延祖等西討至宕渠榮期爲其參軍楊承
祖所殺退還白帝劉敬宣傳義熙三年敬宣伐蜀旣入
峽分遣振武將軍巴東太守溫祚以二千人揚聲外水
自率輔國將軍文處茂龍驤將軍時延祖由墊江進轉

戰而前達遂寧郡之黃虎去成都五百里糧盡引還

唐

許欽寂舊唐書許紹傳安陸人紹曾孫欽寂萬歲登封年爲夔州都督府長史時契丹入寇以欽寂兼隴山軍討擊副使軍次崇州戰敗被擒其後賊將圍安東令欽寂說屬城之未下者安東都督裴元珪時在城下欽寂謂之曰狂賊天殃滅在旦夕公但謹守勵兵以全忠節賊大怒遂害之則天下制袞美謚曰忠

朱體微新唐書忠義蔡廷玉傳體微者幽州節度使朱

夔州府志

卷一十四

政績

一三三

下

泚腹心廷玉有建白體微輒左右之故泚愈信桀傲稍革泚入朝以軍屬朱滔廷玉體微共白泚滔雖大弟多變不情如假以兵是嫁之禍也泚不聽二人隨泚到朝泚統幽州行營爲涇原鳳翔節度使德宗詔廷玉以大理少卿爲司馬體微爲要籍滔已破田悅寢傲肆自用左右有惡廷玉妄云素毀滔欲四分燕廷玉倡之體微和之滔表言二人離間骨肉請殺於有司亦遺泚書泚恚滔奪其軍不從會滔以幽州叛帝示滔表而泚亦白發其書乃歸罪於二人貶廷玉柳州司戶參軍體微南

浦尉

五代

高彥儔九國志後蜀本傳太原人少善騎射慷慨有大節知祥留守太原召爲軍校從入成都授親衛指揮使昶襲位遷茂州刺史廣政十八年周師攻秦鳳以彥儔爲北路行營招討使與李廷珪呂彥琦率兵赴援與周師遇於唐倉大戰我師敗績彥儔退保青泥嶺改寧江軍節度使二十七年王師來伐分兵由峽路攻夔州彥儔謂副使趙崇濟監軍武守謙曰北軍涉險遠來利在

夔州府志

卷一十四

政績

一三四

下

速戰宜堅壁待之守謙曰寇據吾城下不擊何待乃獨領麾下千餘人以出時王師頓白帝廟西遣騎將張廷翰引兵與守謙戰我師敗走廷翰乘勝登城彥儔整衆將出拒戰王師已乘而入彥儔力戰於城下不勝身中十餘鎗左右皆散去彥儔奔入府中反拒其門判官羅濟勸彥儔單騎歸蜀彥儔曰我昔已失天水今復不能守夔州縱不忍殺我何面目見蜀人乎濟又勸其降彥儔曰老幼百口俱在成都以一人偷生舉族何負今日只有死爾卽解符印授濟曰君自爲計俄而王師環門

彥儔挺劍拒之殺十餘人於是登樓縱火自焚而死大將劉光乂憐其忠蓋收骨以葬焉

宋

秦傳序采史忠義本傳江寧人淳化五年充夔峽巡檢使李順之亂賊衆奄至傳夔城下傳序督士卒晝夜拒戰嬰城既久危蹙日甚長吏皆奔竄投賊傳序謂士卒曰吾爲監軍盡死節以守城吾之職也安可苟免乎城中乏食傳序盡出囊橐服玩市酒肉以犒士卒慰勉之衆皆感泣力戰度力不能拒爲蠟書間道上言臣盡死

夔州府志

卷一十四

政績

一三五

下

力誓不降賊城壞傳序赴火死子奭遡峽求父尸溺死人謂父死忠子死孝太宗聞奏嗟側久之錄次子煦三班殿直

龐彥海采史許彪孫傳咸淳二年北兵取開州守將龐彥海死之

韓明一統志開州守將元兵破開州兵潰明父子巷戰力屈被執

楊壽孫采史忠義米立傳有楊壽孫者爲雲安軍主簿兼教參佐忠勝軍端平中北兵至中江縣與將官何庚

安惟臣田廣澤夕坤等連戰二日俱死之壽孫贈通直郎宦一子下州文學庚等各贈承節一子進勇副尉田興隆采史理宗本紀嘉熙元年四月詔諸鎮將元兵壓境皆棄城遁夔路鈐轄知恩州田興隆獨自大安德勝堡至潼川逆戰數合雖衆寡不敵而忠可尙特與官一轉

上官夔采史忠義張珏傳德祐二年萬州破殺守將上官夔

徐宗武采史度宗本紀咸淳元年七月夔州路安撫徐

夔州府志

卷一十四

政績

一三六

下

宗武城開達石城三年宗武勅立卧龍山堡五年宗武歿於王事特官其一子承節郎

趙武義采史忠義米立傳趙文義者郢州都統制更戍歸與北兵遇力戰死之初開州之役文義兄武義亦死焉

元

布呼夔州路總管囊嘉特據蜀死於難詳人物志成都府忠義

布呼舊作伯忽囊嘉特舊作囊加台今改正

明

王 禎明史忠義本傳字維禎吉水人成化初由國子
生授夔州通判二年荆襄石和尚流劫至巫山督盜同
知王某者怯不救禎面數之卽代勒所部民兵晝夜行
至則城已陷賊方聚山中禎擊殺其魁餘盡遁乃行縣
撫傷殘招潰散久乃得還甫三日賊復叛大昌禎趣同
知行不應指揮曹能柴成與同知比激禎曰公爲國出
力肯復行乎禎卽請往兩人僞許相左右禎上馬挾二
人與俱夾水陣旣渡兩人見賊卽走禎被圍半日誤入
淖中賊執欲降之禎大罵賊怒斷其喉及右臂而死從

夔州府志

卷一十四

政績

三十七

下

行者奉節典史及部卒六百餘人皆死自死所至府三
百餘里所乘馬奔歸血淋漓毛盡赤衆始知禎敗往覓
屍面如生子廣鬻馬爲歸貲王同知得馬不償值觀旣
行馬夜半哀鳴同知起視之馬驟前嚙項擣其胸翌日
嘔血死人稱爲義馬事聞贈僉事錄一子舊通志贈夔
州府同知立褒卹祠以祀之
喻成龍湖南通志號濬川湘陰人萬曆間由貢生知四
川雲陽縣省刑薄斂救旱濟荒曆九年遷重慶同知奉
命運邊餉遇賊不屈死

何承光明史忠義本傳貴州鎮遠人萬曆四十年舉於鄉崇禎中歷夔州同知七年二月賊由荊州入夔門犯夔州副使周士登在涪州城中倉猝無備通判推官知縣悉遁承光攝府事率吏民固守力竭城陷承光整冠帶危坐賊入殺之投屍於江事聞贈夔州知府自賊起陝西轉寇山西畿輔河南北及湖廣四川陷州縣以數十計未有破大郡者至是天下爲震動殉節諸臣錄乾隆四十一年

賜謚節愍

夔州府志

卷一十四

政績

三三八

下

汪之鳳明史張令傳之鳳旣解張令柯家坪之圍後與應元同守夔州之土地嶺部卒多新募獻忠盡銳來攻之鳳應元力戰賊兵從後山下突入其營應元突圍出之鳳走他道免山行道渴飲水卧血凝臆而死殉節諸臣錄湖廣副將汪之鳳籍貫未詳崇禎十三年獻賊圍張令於柯家坪爲所困之鳳力解其圍賊悉銳來攻戰山行飲水卧血凝臆而死乾隆四十一年

賜謚節愍

高日臨郭震辰田實明史忠義何承光傳賊之他部自

漢中犯大寧知縣高日臨見勢弱不能守齧指書牒乞援上官率衆禦之北門兵敗被執大罵不屈賊碎其體焚之日臨字儼若鄱陽恩貢生至四月守備郭震辰指揮田實擊賊百丈關兵敗被執罵賊死殉節諸臣錄乾隆四十一年

賜謚烈愍

岳農壇天寧縣志陝西鳳翔府人崇禎壬午年由學博任大寧知縣事際明運之將終值甲申之大變城處要害地左楚而右秦勢逮傾危寇內張而外李羽書孔急

夔州府志

卷一十四

政績

三九

下

修武備而民亦知兵吏治特優籌邊疆而筭無遺策且公餘講道能使士習克端戰罷催耕不許農桑有失身雖文職功茂戎行鳧宰三年士女咸歌召父聚兵數萬妖魔悉畏范公方將績奏彤廷何意變生肘腋衛兵方寢賊騎飛來猝當草竊垓力難支乃冠帶殉身北謝君恩從容就義投泮水死康熙丙午年邑人呈請崇祀左中道殉節諸臣錄大寧教諭左中道籍貫未詳崇禎十七年流賊破城殉節乾隆四十一年

予入忠義祠

高錫陳國俊明史忠義何承光傳賊犯大寧訓導高錫巡檢陳國俊及妻女皆遇害殉節諸臣錄大寧訓導高錫巡檢陳國俊籍貫未詳崇禎十七年獻賊至並與知縣高日臨死節妻女皆死乾隆四十一年

予入忠義祠

史掌文殉節諸臣錄大寧典史史掌文良鄉人崇禎十七年流寇集城下固守力屈死乾隆四十一年

予入忠義祠

劉士杰殉節諸臣錄南陽參將劉士杰籍貫未詳在諸

夔州府志

卷一十四

政續

四十

下

將中勇敢思立戰功崇禎十四年諸軍追獻賊開縣之黃陵城士杰深入所當披靡以軍孤無繼戰死乾隆四十一年

賜謚烈愍

郭開殉節諸臣錄遊擊郭開籍貫未詳崇禎十四年與參將劉士杰同追獻賊至黃陵城戰死乾隆四十一年

賜謚烈愍

猛如虎河南總兵同子先捷並遊擊郭開參將劉士杰

建烈於明末張獻忠竄踞開邑如虎等追至戰於開屬黃陵城兵敗死難現入祀昭忠祠

猛先捷殉節諸臣錄守備猛先捷總兵如虎子崇禎十四年與參將劉士杰等追獻賊黃陵城戰死乾隆四十四年

賜謚烈愍

王永年明史忠義何承光傳賊陷巫山通江指揮王永年力戰死殉節諸臣錄崇禎七年禦賊力戰歿於陣乾隆四十一年

夔州府志

卷二十四

政績

四一下

賜謚烈愍

張載福殉節諸臣錄降將張載福籍貫未詳後歸命崇禎十二年與張一州等遇獻賊戰死四川之開縣乾隆四十一年

賜謚烈愍

張一州明史邵捷春傳捷春收兵扼梁山時登相已歸正而汝才復與獻忠合以梁山河深不能渡乃自開縣西走達州捷春還保綿州扼涪江賊疾走陷劍州遂趨廣元將由開道入漢中爲秦兵所扼乃復走巴西應元

諸軍邀之梓潼戰小利既而劔蜀將曹志耀等力戰却之降將張一州張載福陷陣死涪江師遂潰殉節諸臣錄降將張一州卽掃地王籍未詳後歸命隸監軍萬元吉部中崇禎十二年與獻賊戰開縣陷陣死乾隆四十年

賜謚烈愍

張愷奉節縣採訪志湖北麻城縣貢生崇禎四年任大昌縣訓導七年二月獻賊攻城愷與縣令廳汛分城防堵城破賊入愷率衆巷戰死妻詹氏隨自經子應宗

夔州府志

卷一十四

政績

四二

下

匿免賊退藁葬父母於城隍廟側避兵雲陽縣磨盤山下遂家焉今子孫散居雲奉兩邑科名弗替

國朝

薛人鳳四川通志浙江人由湖廣彝陵州同康熙十九年陞夔州府通判七月解軍餉赴渝州道經萬縣適遭吳逆賊將譚宏叛率兵劫之於七里溝縛至天城山以僞官誘降人鳳曰吾今日止有一死耳斷不汝從也賊怒礪刃於頸奮罵愈烈死之

佟世徵四川通志山東沂州協副將漢軍正藍旗人奉

派出師川省嘉慶四年四月二十四日在開屬黃金坪
打仗陣亡現入祀昭忠祠

夔州府志

卷二十四

政績

四三

下